

應試詩法淺說

詩法淺說註解卷三

古東郡跋奚葉葆評註

唐人試律

典制二十
六韻

中和節詔賜羣公尺

題賜尺自有本義。非比偶然。故詩但發裁度之旨。
解至尺之形狀。賜之典禮。祇用一點。此立言之體。
春仲令初吉。歡娛樂大中。皇心貞百度。寶尺賜羣公。飲使
方隅法還令。矩同捧觀珍。質麗拜受聖恩崇。共荷裁成
德思酬分寸功。從茲度八天地與國慶無窮。

箋唐書李泌傳稱廢正月晦日以二月朔日爲中和節
釋因賜大臣戚里尺謂之裁度。○春仲二月也。初吉朔
日也。尚書傳皇極大中之道。周書百度惟貞。規矩方圓
之式。度入聲。音鐸。度量也。上百度去聲。音杜。法度也。又
令初古之令。去聲。號令也。還以之令。平聲。使令也。樂音
洛八聲。首句令字倒。第六句規字倒。第十一句單拘。
疏言中和佳節。人人歡娛。共樂大中之道。是日皇心欲
義貞百度。乃以寶尺遍賜羣公焉。蓋欲使人共守方隅
之法。同歸規矩之中。維時捧觀珍質。拜受聖恩。共荷我
后。裁成之德。敢不思竭小臣分寸之功。從此度量天地
庶乎與國運相慶無窮矣。○首句破中和節。即用樂大
中。透。出裁度。正意。求三句。又就皇上身上。先透一筆。
至四句。則明點賜尺有根矣。五六句。就賜尺本義寫。是
題。正。義七八句。說尺說受賜。是題。正。面。九十句。復就受
賜者身上寫。是題。後。餘義求韻。仍就尺上推闡。以作頌
揚。此與文章領題布置。逐比相生同法。若仍守首韻破

題二韻承題一定
舊腔板則泥矣。

評此賦時事題與時令咏物題不同宜頌揚得體又其
註關照有法蓋出自恩賜若着一庸陋字眼便乖體制
篇中所用皇心貞度拜受恩崇出語冠冕則頌揚得體
矣賜之物爲尺泛用受賜字眼便寬綽無當篇中用大
中方隅規矩裁成分寸下字細切則關照得
法矣讀者解用此法遇典制題自不窘手。

清明日賜百僚新火

韓 滄

題清明改火原是舊俗而出自上賜則新恩矣關
解照火字措詞寫受賜之榮前後次第章法不亂

未騎傳紅燭天厨賜近臣火隨黃道見烟遶白榆新榮耀
分他日恩光共此辰更調金鼎味還暖玉堂人灼灼千門

曉輝輝萬井春。應憐螢聚者。瞻望及東隣。

愛歲時記。唐清明日取榆柳之火。以賜近臣。○后漢禮
釋儀志。清明騎士傳火。唐韓翃詩。日暮漢宮傳蠟燭。天
厨御厨也。漢書曰。有中道。中道黃道也。按季春心星出
東方。心是大火。出黃道之東。故曰火隨黃道見。又春取
柳榆之火。而天上星亦曰白榆。故蒙上句曰。烟遶白榆
新。金鼎玉堂切。百僚映火字。螢聚者。用晉車氏事。東隣
用漢匡衡穿壁事。○騎音寄。去聲。騎乘也。又音其騎。
馬也。平聲。在支韵。調和也。音迨。平聲。聲調之調。去聲。
疏言朱騎傳來。天厨新火。乃遍賜近臣。時當春季。火星
義正。隨黃道而見。節屈清明。烟光乃遶白榆。而新矣。念
予小臣。叨深恩于他日。榮耀已分。承嘉貺于今朝。恩光
仍共。庶乎金鼎更調。玉堂同暖。用無負遍賜之恩。從此
千門曉色。萬井春輝。亦煥然維新矣。惟憐寒士此時。無
螢可聚。不得不向東隣而希借光耳。一二句點賜火。三

四句承清明日點新字題義已完五句就他日拓開
一筆六句鈎入賜字用筆極輕倩之致七八句緊切百
僚九十句推開末乃以
祈請作結仍不脫火字
註改火取順陽氣實義無可發揮新火又無多點染詩
註乃淡淡着筆祇用榮耀恩光調味暖人爲恩賜作關
照爲新火作襯貼更無
一筆粘實此謂空靈

恩賜魏文貞公諸孫舊第以道直臣 陳彥博

題恩賜舊第是題面其所以賜于諸孫者意在以
解道直臣題既敘明詩中必須總定方見原委

阿衡隨逝水池館主他人天意能酬德雲孫喜庇身生前
由直道歿後振芳塵雨露新恩日芝蘭舊里春勲庸留百

代光彩映諸鄰共賀昇平日從茲得諫臣

本

錢全唐詩話載憲宗時李師道請收贖魏徵舊宅還其
釋子孫白居易爲學士奏云師道何人輒掠此美宜敕
有司特以官錢收贖使還後嗣以勸忠臣按魏徵曾爲
諫議大夫歿諡曰文貞○阿衡借此文貞公書阿衡謂
伊尹也元孫之子爲仍孫○阿衡借此文貞公書阿衡謂
蘭喻賢子孫世說如芝蘭玉樹欲使其生于階庭耳
疏言賢臣旣歿宅第已屬他人孰意天意能酬直臣之
義德復還後嗣文貞子孫亦可以庇身矣良由生前之
直道堪稱故歿後之芳塵猶振是日新恩如沾雨露幾
年舊里復生芝蘭從此勲庸則百代常留光彩則諸隣
遙映共荷聖世誰不復勉爲諫臣乎先破舊策再承清
恩賜諸孫中言文貞直道宜承恩賜後從舊第推說未
結到道直臣之意

評恰是舊第。恰是新賜。恰是以道直臣。前路圓題處轉。
註掉自如。後半推開處。關照有法。足爲長題之式。尤合
頌美之體。○兩露十字。寫全題。
字字圓到。筆不粘紙。此謂輕鬆。

長至日上公獻壽

張叔良

題頌聖題固着不得一庸俗語。然務求冠冕。繁用
解套語。又不合題。此作中扣長至着筆。誠爲得法。
鳳闕晴鐘度。鷄人曉漏長。九重初啟鑰。三事盡稱觴。日至
龍顏近。天旋聖歷昌。休光連雪淨。瑞氣雜爐香。化被君臣
治。恩沾士庶康。不因稽舊典。誰得記朝章。

箋長至冬至日也。尚書註玉者之後。稱公。故曰上公。壽
釋謂聖壽。獻者稱觴上壽也。○漢作建章宮。東謂鳳闕。

鷄人呼旦之官。見周禮。鑰關啟開也。三事三公也。日至卽長至。天旋謂星回於天。陽運將復也。○朝音潮。疏言鳳闕鐘鳴。雞人曉唱。九重天上。玉鑰初啟。三事大義。夫莫不稱觴上壽。適逢日至。快覩龍顏。正值天旋。好占聖歷。休光連晴。雪而愈爭。瑞氣襍爐烟。而更香。斯時也。君臣情洽。士庶恩沾。誠盛典也。稽行舊典。誰不謹記而恪奉焉。首二句先從設朝說起。是題上一層。三四承出三公獻壽。五六切長至日。寫七八切長至日時。景寫九十就長至恩澤寫。未以奉行舊典作結。

評一陽初動。歲且更始。此上壽與賀歲之制正同。故篇註中祇記朝廷令典。而一切岡陵泛話。概不闌入。此是作者寬題走窄路法。故萬壽無疆題不能分潤。

觀開元皇帝東封圖

馬載

題是題觀圖則觀字圖字乃題之眼若朱賦東封
解則不得題旨此詩命意既高而用筆尤活
儼若翠華舉登封圖乍開冕旒明主立冠劍侍臣陪迹類
飛仙去光同拜日來粉痕疑檢玉黛色訝生苔挂壁雲將
起凌風仗若迴年年復東幸魯叟望悠哉

箋按通鑑元宗開元十三年東封泰山○翠華天子羽
之仙東坡賦挾飛仙以遨遊拜日朝日也禮記元端而
朝日子東門之外粉痕黛色指圖上點染處漢武帝封
泰山有白雲起于封中仗儀仗迴謂封罷還朝魯叟謂
魯國父老陶詩汲汲魯中叟○起韵隻拘十一句單拘
疏一望之際儼若翠華舉動者何也蓋東封之圖乍開
義細細觀之其中戴冕旒而立者爲明主列冠劍而陪
塾課定

者爲侍臣。觀其踪跡。絕類飛仙而去。觀其光景。又同拜日而來。圖中點有粉痕。疑是檢玉圖中。染有黛色。訝是生苔。試挂壁間。若白雲起自封中。使凌風前驚儀仗。迴于西上。因此想年年東幸之恩。魯叟之仰望彌切矣。首二句冒起全題。用儼若二字。陡起高聳。極飄忽之致。三四寫圖中人物。五六寫登封光景。七八寫圖色之新鮮。九十句寫圖勢飛動。未結到望幸。蓋因觀圖而冀其再封也。

託東封圖畫得想來生動。詩亦寫得生動。筆意真是靈活異常。○寫東封祇用類同疑訝將若等虛字作摹寫。便確是圖。確是觀圖。此所謂筆善轉旋也。入手用儼若字。更善作勢。○通篇未明點觀字。細按之。却無一句不是觀字之神。無名氏觀慶雲圖之作。命意與此畧同。而筆力尚遜此健拔。

李都尉重陽日得蘇屬國書

白行簡

題此題頗難措詞詩祇就題還題一字不解着論斷最善用筆可為相題行文之法

降虜意何如窮荒九月初三秋異鄉節一紙故人書對酒
情無極開緘思去聲有餘感時空寂寞懷舊幾躊躇雁盡平
沙迥烟銷大漠虛登高南望處掩淚對雙魚

箋漢書李陵字少卿善射為騎都尉與蘇武善武字子
釋卿為移中監使匈奴十九年歸拜典屬國文選註天
漢二年陵率步卒五千人出塞與單于戰力屈乃降匈奴
奴中與武相見武得歸為書與陵令歸漢毛西河日文
選註云云今考漢書無此事且有重陽日得書尤不可
解○降服也平聲虜謂單于對酒貼重陽開緘貼得書
感時貼重陽懷舊貼得書漠北方流沙也張華壯士篇
馳騁大漠中古詩客從遠方來遺我雙鯉魚呼童烹鯉

魚中有尺素書。史記漢使詭謂單于曰。天子射上林中得雁。足有係帛書。言武在某澤中。○第三句單拘疏言降虜之初。是何意也。至今窮荒九月。過異鄉之節。義得故人之書。不覺對酒傷情。開絨與思矣。良時空度。已歷寂寞之思。舊好無人。倍懷躊躇之想。况當此時。平沙雁盡。大漠烟銷。是何景色。登高南望。能無掩泪乎。首二句從重陽說入。次聯承明得書。三聯寫得書。思有餘三字。是一篇主腦。四聯寫得書之情況。五聯寫得書之境地。末乃以言情作結。摠見其情無極。而思有餘也。

評重陽得書。不省何出。亦不解命題何意。此詩直就得註。書者情懷寫去。渾灝流轉。迥出詩試律以上。通通篇純以氣調制題單用。虛寫不粘一字。其寫得書。不能句句帶定。重陽日。筆筆變縮。真乃力大于身。○調貴前後變換。不可一律。此詩六韵。通犯平頭。讀者不可不知。

緱山月夜聞王子晉吹笙

鐘輅

題是吹笙。是聞仙人吹笙。又是在緱山解月夜。線索在手。乃不虞題緒紛如。

月滿緱山夜風傳子晉笙初聞盈谷遠漸聽去聲入雲清杳

異人間曲遙分鶴上情孤鸞驚欲舞萬籟寂無聲此夕留

烟駕何時返玉京唯愁音響絕曉色出都城

參列仙傳王喬周靈王太子晉也好吹笙作鳳鳴遊伊洛之間道士浮邱公接上嵩山三十餘年見桓良謂曰可告我家七月七日待我于緱氏山頭至斯果乘白鶴駐山頭望之不得到舉手謝時人數日乃去○緱山在河南偃師縣盈谷滿谷也入雲謂聲入雲霄入間凡間也王喬好乘鶴故云崔上情鸞鳳屬籟響也烟駕猶

詩法淺說

卷三

唐荆川制

七

本堂讀

言仙駕天上。有白玉京。○按應試須識忌諱。如愁苦憂傷等類字。在場屋可以不用。疏言當綴山月夜。恰逢子晉吹笙。乍聞之。初則布滿山義谷。漸乃響過行雲。是笙也。迥非人間之曲。亦遙分鶴上之情而已。此時孤鸞驚舞。萬籟無聲。月夜聞之。真是仙境。但仙駕不過暫留。不久即返歸天上。移時都城天曉。正恐音響永絕。妙不復聞矣。首韵喝起全題。次韵承清聞字。三韵言笙聲之妙。四韵寫聞笙之趣。妙以無聲反襯聞字。且恰合月夜之景。真乃八面玲瓏。五韵以仙駕去留。宕開作勢。未以聞者之情作結。妙能拒合月夜評紀批月字。不免微脫。亦緣得意疾走。風利不得泊也。註有此。通情勝韵。不妨賞其神駿。畧其驪黃。又云萬籟句對面傳神。與空水共澄鮮。詩第三句同法。盈谷似用黃帝張樂在谷。滿谷意入雲。似用泰帝之歌。響過行雲。意皆樂事也。此亦未必不然。然作詩說詩俱不必如此。粘滯鍾嶸曰。江晨登隴首。羌無故實。明月照積雪。詎出

經史按此條其益後學不但規解詩支離之失並可矻作者平實之病故備錄之

湘靈鼓瑟

錢起

題此等題着不得一呆語空際傳神須解帶縹緲不盡之致詩乃超妙入神

善鼓雲和瑟常聞帝子靈馮夷音夷空自舞楚客不堪聽逸韻諧金石清音入杳冥蒼梧來怨慕白芷動芳馨流水傳湘浦悲風過洞庭曲終人不見江上數峯青

雙楚詞遠游篇二女御九韶歌使湘靈鼓瑟兮令海若釋舞馮夷按上言二女則湘靈當是湘水之神非湘夫人也詩意直以湘靈為二女雲和山名出琴瑟之材周禮雲和之琴瑟九歌帝子降兮北渚註帝子謂堯女

馮夷河伯也。楚客謂屈平。入晉中有金石諧和也。坊本作偕。蒼梧地名。舜所葬處。白芷香草名。楚詞折芳馨兮遺所思。毛註流水悲風皆曲調名。湘浦卽湘水。洞庭山名。山海經洞庭之山。帝之二女居之。

疏言誰撫此雲和之瑟。蓋嘗聞帝子死爲湘水之神。有義此靈異矣。聞瑟起舞。馮夷自樂。而楚客則不堪聽。其逸韻雖與金石同諧。而清音實自查冥而發。蒼梧遙隔如興怨慕之思。白芷潛生暗動芳馨之氣。流水傳湘浦而來。悲風過洞庭而去。曲終人遠。何處可尋。但見江上峯多。數處青青而已。四句提醒眼目。通篇俱納入一聽字中。運法甚密。第三句隨

手註題更覺渾然無迹。

評此詩佳處諸評已備。茲不復贅。中六句調同。犯切脚註之病。讀者不可不知。題出楚辭。故詩多用楚辭中字。作襯貼色。澤方稱若用俗字便淺陋不肖題。卽此可悟引用之法。紀批白芷句正寫聲氣相感之妙。流水悲

風亦是烘寫遠神為未二句布勢不必定作曲名解。

清如玉壺冰

盧綸

題欲稱其清特借玉壺冰以形之明拈出如字自解須以人為主若單賦玉壺冰失去題中如字矣
玉壺冰始結循吏政初成既有虛心鑒還如照膽清瑤池
慙洞澈金鏡讓澄明氣若朝霜肅形隨夜月盈臨人能不
蔽待物本無情怯對圓光裏妍媸自此呈

箋題出鮑照白頭吟直如朱絲繩清如玉壺冰按題本釋義原以方人詩則直以比循吏蓋應試頌美之體多有不碩本旨者辨詳前篇。循吏良吏也唐書高馮為吏侍太宗賜金背鏡一面以表清鑒秦有方鏡照見人

心膽。瑤池西王母所居洞冥記。望蟾閣有清金鏡。妍媸猶美惡也。

疏一起明破玉壺冰。暗破清如言玉壺冰結與循吏政義成。初無二致。下乃承明是循吏也。既于政治有虛心之鑒。直如水玉有照胆之清焉。中聯用形容法。言其洞澈也。雖瑤池猶慚其澄明也。卽金鏡猶讓信非玉壺冰。不足以方之。而且肅若朝霜瑩同夜月。何其清也。以之臨人。自不蒙蔽以之待物。豈有私情。其清如此。吾知圓光一照妍醜自分。誰不對之而心怯也哉。末以自喻作結。借清字歸美王司。是應試體。

評此比喻題也。必須正喻夾寫。方繪出如字全神。中間註全用借喻。不粘寔字。是討巧法。其寔比中生比。輾轉牽引題緒茫然矣。惟五韻用渾寫。是人是一語雙關。爲得清字真說得如字圓。

薦冰

陳至

題凡典禮題須寫得典貴鄭重
解方合體裁若不得一纖俳語

凌寒開固洹寢廟致精誠色靜澄三酒光寒肅兩盃形鹽
難比潔玉豆爲去聲潛英禮自春分展堅從北陸戒藉茅心
共結出鑑冰漸明幸得來觀薦靈臺一小生

箋月令仲春之月天子乃獻羊開冰先荐寢廟○固洹
釋陰肅之義左其藏冰也深山窮谷固陰洹寒于是乎
取之三酒見周禮謂事酒昔酒清酒也形鹽築鹽爲虎
形見左聘饗所用也玉豆見周禮謂籩豆以玉飾之春
分在仲春時北陸日行之次左日在北陸而藏冰藉茅
者封禪必須三春之茅以爲藉也見史記鑑盛冰之器
見周禮靈臺周所建之臺藏珍玩圖書之所○
作爲之爲平聲有爲之爲去聲第十句漸字倒

疏言凌寒開冰先荐寢廟以致精誠之意其色則對三義酒而還澄其光則澈兩楹而倍肅所供形鹽難與比潔所陳玉豆或爲潛英荐之禮雖自春分始展而冰之堅則從北陸而成方之藉茅明水皆同此致潔之意耳靈臺小生若非來此觀荐安得觀此典禮之盛乎首韵點題以下卽寫冰之光色中間賦荐字仍用虛寫九十又用旁襯末以觀荐作結

評開冰取節宣陽氣之義洗荐者不敢以人之餘奉神註有尊祖敬宗之心作典禮題寫不出精義來不見典切然遇正位難用寔詮又須解用旁襯借映等法片寬展有餘地讀此作須玩其寬展不犯手處○末韵劣

積雪爲小山

劉春虛

題題甚淡雅說積說爲須從人寫方傳題意若呆解作雪山失題味矣作小題不可用龐大之筆

飛雪伴春還。春庭曉自閑。虛心因任道。遇賞遂成山。峯小形全秀。巖虛勢莫攀。以幽能皎潔。謂近可循環。孤影臨冰鏡。寒光對玉顏。不隨遲日盡。留顧歲華間。

箋題末詳所出。按唐李子卿有聚雪為小山賦。莊子釋虛其心。寔其腹。孔平仲玩月詩。團圓非鏡吐清華。謝惠連雪賦。執袖慙冷。玉顏掩嫵。循環旋繞也。歲華年華也。詩春日遲遲。

疏言早春飛雪滿庭。曉起情閑。虛心任道于賞心之下。義乃隨意為山焉。是山也。峯雖小巧。而形則雋秀。若甚虛明而勢難攀躋。要之境最幽靜。愛其皎潔。近在咫尺。正可循環對此小山。如臨水鏡之旁。而玉顏可照。倘能不隨春日消盡。用作歲華之玩。豈不可久乎。起就春雪說起。光有人在。已撥動積為之神。故承筆隨手點出。

爲山更不着一雪山實字。是善下虛筆也。中間亦全用虛寫。確是小山。確是積雪。爲之填寫實字。能如此玲瓏剔透。不後聯又從對雪山者着筆。提不粘實。末韵隨手收束。就題完題。仍不脫積爲之神。評筆無俗韵。濯濯出塵。小題聖手也。○題眼多在虛字。註不在實字。作詩亦須解用虛筆。無事填實。着虛筆。則鬆動有神。用填實。則平板無。力虛實之分。仙凡之界也。

履春冰

張蕭遠

題此題亦属比喻。須寫出兢慎之意來。作者爲春解冰。皆從履者心目中看出。題面題意。兩雨俱到。一步一愁。新輕輕恐。陷人薄光。全透日殘。色半消春。蟬想行時。翼魚驚踏處。鱗底虛難動足。岸濶怯迴身。豈暇躊躇。

久。寧容顧盼頻。願將矜慎意。從此越通津。

幾書君牙。若蹈虎尾。涉于春水。又詩經。如臨深淵。如履薄冰。皆形容矜慎之意。徐行口步。猶墮也。蟬含游魚。躊躇却行。不前貌。顧盼。同視之貌。

疏言舉足之時。一步一愁者。正恐春水難履。易於陷人義也。試看冰之薄處。全透日光。冰之殘餘。已半消春色。行時可畏。輒想蟬翼之薄。踏處堪驚。如碍魚鱗之動。又兼之冰底甚虛。難以動足。岸旁甚濶。不容迴身。向容人躊躇顧盼。却行而不前乎。亦惟存此矜慎之意。庶乎過此通津耳。一起說一步一愁。便直從履者說起。而春冰祇用暗破。並不明點第二韵說薄光殘色。乃道清是春水。蟬想聯用形容。底虛聯用推闡。皆爲題首愁字。墓神。卽早爲結尾。矜慎意透根。豈暇聯又用開宕。以便結合本意。首尾一氣承接。精神團聚。

評詩兼賦比興而理法則與時文無異有題面即有題
註義貧發題義不緊但題面則不醒貧發題面而全
題義則不透時令景物題多用賦體能兼用情景便是
好詩若典制有實義題賦比興當兼用之必準以時文
理法方有發揮勿輕試律為小道也此題若不為履
字着想繞極力刻劃春冰則亦一水始冰東風解凍題
詩耳與此題本義何涉故
知審題必細命意方高

濟川用舟楫

胡權

題題無若字亦隱喻非顯
解此也祇從喻意說可也

渺渺水連天。歸程想幾千。孤舟辭曲岸。輕楫濟長川。迥指
波濤雪。迴瞻島嶼烟。心迷滄海上。目斷白雲邊。泛濫雖無

定維持且自尊還如明聖代理國用英賢

箋書說命若濟巨川用汝作舟楫汝蓋謂傳說也。渺釋渺水無窮貌。程路程也。雪狀波濤之白。嶼亦水中山島。維持繫維之意。

疏言一水遙隔。歸程甚遠。幸有孤舟輕楫。庶乎辭曲岸義而濟此長川乎。從此指波濤之雪浪。瞻島嶼之烟光。不覺心迷滄海。目斷白雲矣。要之泛濫之踪。雖無定所。而維持之力。賴有專人。正如明聖之世。欲理國家。必用英賢。則濟川者若捨舟楫。又何具乎。起從欲濟川說。入下乃承明用舟楫。兩句清遠中間。渾寫便不患無眉目矣。五六句寫濟川時景色。七八句寫濟川時情事。後聯一句束濟川。一句束用舟楫。仍還清楚。開鎖有法。中幅乃不嫌脫畧。末乃結明正意。賓主分明。正喻皆見。

評題既節用書語刪去若字。則就題還題只隱含喻意。
註可也。臨末結明却是正格。與風雨鷄鳴題同一法律。

玉卮無當

元稹

題以無當合題意。仍以玉卮見身分善。用幹旋此解。應試體也。題有不可依原文本義者。以此推之。

共惜連城寶。翻為無當卮。詎慚君子貴。深訝巧工墮。泛蟻

功。全少如虹色。不移可憐殊。礫石何計辨。糟醅江海誠難

滿。盤筵莫忘去聲施。縱乖斟酌意。猶得奉光儀。

箋韓非子。堂溪公謂韓昭侯曰。今有白玉之卮。無當。瓦
釋卮有當。君寧何取。曰取瓦卮。當底也。卮飲器。○魏文
帝書曰。不損連城之璧。按史記趙得和氏璧。秦昭王曰
願以十五城易之。連城本此。禮記君子貴玉而賤珉。淨

蟻醪汁滓酒也。爾雅酒有泛齊。浮蟻禮聘義氣如長虹。際音杓。細石也。楚詞相與貴夫礫石。醪音離。薄酒也。楚詞何不哺其糟而啜其醪。淮南子江河不能滿漏卮。盤盃盤筵席也。○當去聲。無字倒。

疏言可惜連城之寶。翻爲無當之卮。昔原見重于君子。義今胡竟墜于巧工。致令泛蟻之功難全。如虹之色空在。方之礫石。雖然有殊。若盛糟醪。寔難爲用。洵乎江海難滿其量。而盤筵之間。不必忘施矣。要之卮終是玉卮。卮不可斟酌。仍得奉君子光儀。光于瓦卮。有殊也。○八手點明。便用抑揚之筆。三四從玉卮說到無當。五六句卽從無當挽到玉卮。七八句又從玉卮說到無當。九十句復從無當挽到玉卮。順逆往來。一絲不亂。

評紀太史試律說批。韓非本意言玉卮無當。不如瓦卮。註有當然試律之體。有褒無貶。有頌無刺。不得立意。幹旋此立言之體也。遇此種題。宜知此意。愚按昆山片玉。桂林一枝。在郊誅本意。原屬謙言。試律作此題。皆就

貴重之義說同一尊題法也。無書人振襟肘見艱于補綴固難雅切。若無筆則掉轉不來亦不能屈伸如意。有筆人隨我議論題自隨之故詩中有開宕亦有抑揚也。紀太史云。鑒積錯雜非詩也。而排偶鈍滯亦非詩也。善作者鍊氣歸神渾然無迹。欠亦詞氣相輔機法相生。初爲詩者不能翕闔自如。出落轉折之處必先以虛字鈎接之。漸久漸熟自能刊落虛字。精神轉運于空中。血脉周流于內際。

金在鎔

白行簡

題題無猶字。則喻意尙未顯露。作詩祇用。渠。閱之。解筆。雖單賦鎔金。而正義自見言外。乃爲得法。

巨橐方鎔物。洪爐欲範金。紫光看漸發。赤氣望逾深。燄熱晴雲變。烟浮晝景陰。堅剛由我性。鼓鑄任君心。踴躍徒標

○正○喻○其○開○

異精純自可欽。何當得成器。待叩向知音。

箋漢書董仲舒傳。上之化下。下之從上。猶金之在鎔。惟釋治者之所爲。註鎔謂鑄器之模範也。巨橐爐箱也。魏文帝典論。五色駭爐。巨橐自鼓。洪大也。莊子以天下爲大爐。範式也。法也。鼓鑄猶言造就也。踴躍跳躍意。莊子大冶鑄金。金踴躍曰。我且必爲莫邪。大冶必以爲不祥之金。叩擊也。自此金鐘待叩而鳴也。十一句單拘疏言巨橐方欲鎔物。而洪爐之中。金已就範。試看紫光義漸發望之。而赤氣逾深矣。火燄熱時。晴雲色爲之變。青烟浮處。晝景亦爲之陰。是其堅剛之質。生成由我。而鼓鑄之力。成就惟君。旣不肯以踴躍標異。人將愈欽其精純。若得成器爲鐘。有知音者。尚其叩之。三句初鎔也。四句漸鎔也。五六句全鎔也。前半篇全寫題面。後半寫董子本義。隱然自喻。全不說破。此美關題之善措筆者。

評此賦在鎔之金。非單賦金也。故須從在鎔着想。方合
註題義。故作典制題全在相題。有識筆乃中肯。若一味
填塞。不但無好詩。即詩鍊得好。
亦是不切題之詩。焉能制勝。

觀淬龍泉劍

裴夷直

題淬說文堅刀刃也。徐曰劍燒而入也。此咏寶劍
解初淬新刃可觀。宜着眼題首兩字。無泛咏劍。

歐冶將成器。風胡幸見逢。發矟思剗玉。投水欲為龍。詎肯
深藏匣。終斯用。拂鐘蓮花生。寶鏐秋日礪。霜鋒鍊質纔三
尺。吹毛過百重。擊磨如不倦。提握願長從。

箋越絕書楚王召風胡子之吳越。見歐冶子。子將使之
釋為鐵劍三枚。一曰龍泉。○礪礪石也。莊子解牛若新

發硎。割音轉細割也。列子西戎獻昆吾之劍。切玉如泥。化龍事見晉書。雷煥爲豐城令。掘獄得二劍。名龍泉大阿。後煥子經延平津。劍忽躍入水中。乃變爲龍。匣藏劍器。荆鐘見說苑。干將莫冶。荆鐘不鏐。鏐音蕞。劍刃也。唐太宗詩。霜野韜蓮劍。三尺謂劍。李賀詩。先輩匣中三尺水。吹毛謂毛過可斷也。陸龜蒙詩。劍離孤匣欲吹毛。疏言值歐冶方欲淬劍。風胡子適來觀焉。是劍也。將思義切玉。新用發硎。如欲化龍。卽當投水。諺肯深藏匣中。不使試。荆鐘之用乎。以故初開寶鑑。簇生蓮花。乍礪霜鋒。正映秋日。雖祇三尺之質。堪吹百重之毛。特恐擊磨或倦耳。若果有人提携。則情願長從君身矣。○入手用渾破一句。是淬劍。一句是觀劍。二韵承明淬字。三韵言淬之之意。四韵言淬之之善。五韵言劍之利。末韵以干請寓意。關合劍字作結。

評凡作詩須審題所重。方好。一筆此題非泛賦龍泉劍。註題眼全在淬字。觀宅賦劍處皆從觀者看出得法。

吳宮教戰

吳秘

題題似香艷然孫武借事立威實存解正義可發不容泛作美人賦也

客獻陳兵計功。成欲霸吳王。顏承將畧金殿。賜軍符轉珮。

風雲暗鳴。聲錦繡。趨雪花頻落粉。香汗盡流珠。掩笑誰干。

令嚴師必用誅。至今孫子法猶可。靜邊隅。

箋節錄史記孫武以兵法見吳王王出宮中美人武分釋為兩隊以王寵姬為隊長約束而鼓之婦人笑復三令五申而鼓之又笑孫子乃斬隊長二人以徇吳王知孫子能用兵卒以為將破楚人郢北威齊晉將畧大將韜畧也軍符以竹為之上鐫篆書持之以令信也見漢書珮環珮美人所佩聲音皮騎上之鼓

疏言有容獻計欲以戰功伯吳乃于宮授以將畧賜以義軍符使教美人戰焉一時之環珮爭旋繞風雲而盡暗鳴聲齊振擁錦繡而爭趨墜落雪花皆是粉流出香汗盡成珠彼時掩笑者係誰干軍令而孫武執法竟誅二人以洵抑何嚴也至今守孫子之遺法而邊隅永靜洵軍威之宜肅也

評凡以舊事命題作者須識明此事寔義何在着筆方註中肯綮如此題若作游戲小題看或涉香艷便不合體是作中寫教戰未免稍涉濃艷然尚不大傷雅道而起結兩處獨見大意洵爲得體

方士進恒春草

梁鎰

題此記事非咏物也。呆賦恒解春草。便不合叙事之體。

東吳有靈草。生彼剡溪旁。旣亂莓苔色。仍連菡萏香。掇之

○叙○事○釋○便○
稱大藥持以奉明王北闕顏彌駐南山壽更長金膏徒騁
妙石髓莫矜良倘能露涓滴還遊不死方

箋唐書方技傳姜撫宋州人自言通仙人不死術隱居
釋不仕開元末因訪隱民召至東都因言服長春藤使
白髮還鬢則長生可致帝遣使至大湖多取以賜中朝
老臣云云○刻音閏刻溪在嵎縣莓音枚亦苔屬菡萏
音頷髮芙蓉也○掇拾取也金膏仙藥謝詩金膏滅明光
石髓金玉之精仙經神山五百歲一開其中石髓出得
而服之壽與天相畢山海

經羽人之國不死之民

疏言東吳傳有靈草遶刻溪之旁而遍生色既雜莓苔
義而莫辨香還同菡萏而愈清方士取之稱為大藥持
以奉上進之明主從此北闕駐顏自將壽比南山矣彼
夫金膏石髓豈足與之並衡哉倘使得露些須則延齡

有術永登壽域矣。方士進藥事殊非體措詞當有對酌詩前四句但賦恒春後六句但賦草之功用進字惟五六句一點更不照應識力絕高。

評敘事題須用順叙法此作於難措手處妙在不着議註論祇順題寫去如題而止而逐句相生承接一氣誠試律中僅見之作學者熟此自化堆砌之病去補綴之迹恒春草苦無故實此詩祇以襯貼還題毫不犯手。

風雨鷄鳴

李頻

題純是比體未露正義故通篇祇隱隱解切合結處乃畫龍點睛此定法也。

不爲風雨變鷄德一何貞在暗常先覺臨晨卽自鳴蕭蕭和斷漏喔喔報重聲城向晦如相警知時似獨清陰霾方

見信頃刻詎移聲欲識詩人興中含君子情

箋題出詩鄭風風雨淒淒鷄鳴喈喈既見君子云胡不
釋夷小序思君子也言風雨淒淒然雞猶守時而鳴喻
君子不改其度也。蕭蕭風雨聲。喔音渥。鷄聲。韓詩天
星牽落鷄喔。重城謂帝城。晦陰也。易隨大象。君子以
向晦入宴息。霾音理。爾雅風而雨土。
為霾。孫註曰。大風揚塵土。從上下也。

疏言不為風雨變節如雞之德。一何貞也。在暗先覺有
義識時之明。臨晨即鳴。見守信之義。想其蕭蕭深夜。和
斷漏而傳聲。喔喔清音。出重城而報曉。如相警以向晦
之心。若獨具一知時之識。歷陰霾而守信。即頃刻而不
移。鷄之德。洵足異乎。要知詩人所以咏此者。正以喻君
子之能守節也。起用一喝。便擊動正意。非祇贊鷄也。
以下承清鳴字。俱縮定風雨說。
題義。方圓至末。乃結明正義。

評此類題若祇作咏物題作無詩法矣向晦一聯正喻
註雙関直寫得題義透臨末結明正義得理得法

振振鷺

李頌

題先出正意然後摹寫是雙関題之變調蓋神
解明于法非定格所能拘也錄此作以參其變

有鳥生江浦霜華作羽翰君臣將比潔朝野用爲歡月影
林梢下冰光水際殘飛翻時共樂飲啄道皆安廻翥宜高
咏羣棲入靜看由來鴛鴦侶濟濟列千官

五字得神

箋題出魯頌有駉篇振振鷺鷺于下醉言舞于胥樂分
釋此燕飲頌禱之詞振振羣飛貌下鷺字謂鷺羽也
疏言有鳥生于江浦之中其潔白如霜可作羽翰故君
義臣取以此德而朝野歡娛見諸咏歌焉是白鷺也棲

詩法淺說

卷三

典制

五

寧韻注

林則映月影。依水則對水。光飛翻共樂飲啄皆安其廻。翥宜乎高啄。而羣棲之意靜看更宜也。彼朝廷之士。濟濟千官。不與此鷺侶相同。

乎。宜詩之借以作比也。

評紀批此詩佳在以有鳥二字領起。而次聯明出一比。註字將正意攝入。有鳥二字。中故以下。仍可直接。鳥寫此筆妙也。無此筆則一經說破轉掉不來。不如用常格矣。

有錄唐人試律典制題二十首爲一卷。其於典禮政治以及序事寓言各類大小題法亦畧具矣。

應試詩法淺說卷三終

應試詩法淺說詳解 卷四

古東郡跋奚葉葆評註

本朝試律

景物二十首
八韻

日浴咸池

題題重一浴字詩須帶定咸池用夾寫方得浴字解之神勿泛賦初日詩忌重複又須寫出層次來

義御上瞳矐天鷄唱曉風潮來浮瀕洞日出破鴻濛巨壑

稱題

茫茫白圓規漾漾紅六螭凌泱泱百寶動沖融浪涌烏踐躍雲消蜃氣空一輪珠耀火萬里鏡磨銅朱燧何曾濕黃

詩法淺說

卷四

本朝

塾課定

人漸欲中如升方獻頌翹首大瀛東。

箋淮南子曰出于暘谷浴于咸池。○**瞻**瞻說文曰欲明
釋也。述異記桃都山有樹名桃都枝。上有天雞。日出即
鳴。○**洞**洞音永動。水大貌。鴻濛元氣也。巨壑海也。本華賦
茫茫積流圓規日也。白詩水光紅漾漾。淮南爰息六螭
註駕以六龍羲和御之。泱泱水遠貌。禹玉牒語沐日浴
月百寶生。泂泂深廣貌。淮南日中有跋鳥。跋音逡。天官
書海旁蜃氣象樓台。唐明堂有火珠。蘇詩但見碧海磨
青銅。歟與焔同。海賦朱歟綠烟。黃人守日。外國人來降
見困學紀聞。詩如日之升。大瀛海也。

疏先從題前破入。次韵點日出。三韵寫乍浴之景。四韵
義寫方浴之景。五韵寫浴時之景。六韵寫浴後之景。七
韵束題。末以頌聖作結。○詩有來路。有去路。首韵
從題前說入。是來路。結韵推到題後。是去路也。

評紀評咸池無典可徵不得不從俗字落墨然刻劃纖
註巧又不稱題渾寫大意雄潤絕倫此題須有此氣象
○試律講聲調論品格雖在各人筆性所近總之相題
行文全歸穩稱是編雄壯韵秀兼收讀者勿偏執所好

海上生明月

紀晦

題題眼在生字然非切定海上寫則凡咏月題皆
解可移用矣詩寫生字有次第于海上有映合

一片寒空暮無邊巨壑長烟消澄遠碧月出逗新黃龍女

○是○初○

○是○正○生○

微開鏡鮫珠漸吐芒高凌天尺五直湧水中央輪抱三山

○是○已○生○

影波涵萬里光乾坤浮瀕洞風露浴青蒼河漢微雲歛蓬

寄○托○不○凡

壺夜氣凉金鰲誰獨立閒看舞霓裳

上聲

箋題出張九齡詩。祖挺望海詩。登高臨巨壑。不知平
釋萬里謝宗可。水中月。詩。鮫人泣。罷珠猶濕。龍女粧。成
鏡未收。蓋以珠鏡比月也。鷄距集城南韋杜。去天尺五
神仙傳。海上有三神山。日蓬萊。瀛州。方丈。蓬壺。又其一
也。金鰲獨立。喻登科也。李義山詩。空

記大羅天上事。衆仙同日咏霓裳。

疏先破海上。次聯乃承清月生。三韵是寫初生之景。四
義韵是寫正生之景。五韵是寫生後之景。六韵就海上
寫七韵束題。以喻意作結。

評月出海上。分作數層寫生字。活現矣。說龍說鮫。說水
註說波。又無句不抱海上也。○潘邠老云。五言詩第三
字要響。窃謂字字要活。活則字字響。此詩澄字逗字真
鍊得響。其餘凌字湧字抱字涵字浮字浴字寔無一不
活也。日詩要健字攬住活字幹旋撐住用實字幹旋在
虛字名豈文章著官應老病休豈應兩字乃幹旋處。

宿烟含白露

馮秉忠

題露好寫烟難寫至千宿烟含露更難着筆矣

野外烟頻合林邊露正酣○提○烟○是○露○流珠將翠滴○造○於○鍊○字○引素八花含暝處

疑蒸雨凝時總帶嵐乳傾人不見氣警鶴先諳夾葉融空

溼鋪山濕蔚藍膏浮成冉冉○繪○水○繪○聲○香潤半醺醺低已迷蘭芷高

還浥杞楠秋郊清景暮芒屨好徐探

箋題句未省所出江淹別賦秋露如珠沈約詩長烟

釋引輕素天乳甘露也風土記鶴至八月露降有聲卽

鳴以相警沆瀣北方夜半露氣也宋濂詩融來玉壺從

空薄蔚藍翠色杜詩上有蔚藍天醺醺香氣也蘭芷香

草杞楠木名。芒屨屨也。酤音愁洽也。諧音庵悉也。明也。洗聲音抗介。醃音庵。楠音南。探音貪。遠取也。索也。疏對起清烟字。露字承聯清出含字。三韵一句從烟串義到露。一句從露找到烟。用兩路夾寫法。含字乃透四韵虛寫含字。五韵從烟順說到露。六韵又從露逆找到烟。含字祇好用夾寫帶出七韵足題。未結到遊眺上。評烟裏有露露被烟隱。此境是秋郊早行。下疎林衰草。註處得之。有此名句。以之命題。幾難求肖矣。詩細為體驗。巧于形容。語妙恰如題妙。的是名手。露猶可寫。烟是難寫。然寫露字。必須帶烟字。浮烟清露。猶易寫。曰宿日含。如何寫。然寫烟。必定是宿。方盡相。寫白露。必須見是于宿烟中含之。方盡相。繪花有香。繪水有聲。詩人之筆。何所不至。貧走易路。便是凡筆。

微雲淡河漢

紀昀

題題是微雲作成秋雲似羅題不得是

碧空澄夜色。絡角挂明河。疎雨三更歇。微雲幾片過。一條橫似練。數尺卷如羅。水自盈盈隔。痕餘澹澹拖。依稀纔有迹。清淺不生波。最愛玲瓏映。無嫌點綴多。人間秋若此。天

氣拂去

上境如何擬。泛靈槎去。瓊樓問玉梭。

箋孟浩然時適秘省秋月新霽與諸公聯句浩然曰微雲淡河漢疎雨滴梧桐。咸訝其清絕。○絡角星在天。河旁羅隱七夕詩。絡角星河齒。昔天宋之問。明河篇。倬彼昭回如練白。梁元帝賦。秋雲似羅。古詩。盈盈一水間。脉脉不得語。又天河清且淺。世說新語。司馬太傅。齋中夜坐。于時天月明淨。都無纖翳。太傅嘆以爲佳景。謝景

重在坐答曰。意謂乃不如微雲點綴。博物志。有人居海上。每年八月見海查。求不違時。乃齊一年糧。乘之至天河。蘇詞。不知天上宮闕。今夕是何年。我欲乘風歸去。又恐瓊樓玉宇。高處不勝寒。起舞弄清影。何似在人間。疏首韻。點河漢。次韻。點微雲。三韻。切雲寫微字。四韻。切義。河漢寫澹字。五韻。曲盡微字。澹字之象。六韻。妙傳微字。澹字之神。七韻。就河漢上作襯說。未就河漢上寓意。結題。通首層次順利。氣味浹洽。後四句更一氣流走。評題。既着意摹寫。作者自應也。向他着意字上。作刻劃。註方。不負題。此題微字。淡字。是其着意字也。詩祇微作點綴。淡淡還題。乃恰如題分。○作詩全在相題。有宜含蓄者。則意當深厚。有宜豪放者。則意當發露。有宜莊重者。則語當痛快。有宜輕還者。則語當流利。聲調體格。研鍊之功。在平日。至于命意着筆。則隨題變化。無乎不可。

秋雲似羅

梁國治

題題以羅比雲。是形容求肖。若不從羅字上刻。
解劃則形容不到。此題固不得泛賦秋雲了事。

一望長空靜。雲羅澹不收。時拖三兩尺。畫出淺深秋。那作
魚鱗蹙。將舒鳳尾柔。微烘穿線榭。偏映曝衣樓。巧借天孫
織。深添海客愁。為裳霞雜綺。如幕月成鈎。刀尺歸天地。花
光動斗牛。瞻堯雲漢近。畫袞被皇州。

箋梁元帝蕩婦秋思賦。重以秋水文波。秋雲似羅。魚
釋鱗貼雲。淮南子水雲魚鱗。鳳尾貼羅。李商隱詩。鳳尾
香羅薄。幾重穿線榭。見荆楚歲時記。七夕婦女結綵樓。
穿七孔。鍼以乞巧。曝衣樓見續六帖。太液池西有樓。七
月七日。宮女出后衣。登樓曝之。李賀詩。鵲辭穿榭月。花
入曝衣樓。織女。天女孫也。能織錦。海客。于水底織綃。謝

景物

本

眺詩餘霞散成綺梁簡文帝曲浮雲似帳月成鈎史
 堯紀瞻之如雲詩倬彼雲漢蘇詩繡裳畫充雲垂地
 疏首韵破完題面次韵承清題意三韵拍合到羅字四
 義韵扣秋字借穿線曝衣映合羅字五韵借天孫海客
 視貼羅字六韵借霞綺月鈎烘托羅字七韵透寫雲
 羅用推闡之筆題意乃暢未用頌聖隻閑題字作結
 評作小題須用刻劃法但必巧不傷雅方為入格第二
 註韵之淡永七韵之大方允為高唱他如餘霞散成
 綺題之應扣綺字作刻劃密雨如散絲題之應扣絲字
 作刻劃同一法也詩不多錄霞綺月鈎聯人爭賞之
 在試律固不妨過巧然必以是見長則落小樣矣但能
 如曝衣樓映合之巧刀尺花光設想之高何等大雅鍊
 格定品詩家當另著眼額聯
 三兩淺深是本句自為對法

秋容無迹澹平空

張垣

題有述好寫無迹難寫然詩以形容取象固不解能不用烘寫此詩仍以點染還題自有手法

小。雨。洗。秋。色。平。郊。望。欲。空。天。高。澄。玉。漉。字。靜。捲。金。風。烟。意。
霏。難。着。嵐。光。薄。豈。濛。欽。從。霜。氣。白。流。是。日。華。紅。鏡。覆。遙。山。
澈。壺。收。遠。水。同。一。聲。初。唳。鶴。萬。里。不。飛。鴻。澹。與。爭。詩。品。清。
尤。入。畫。工。晶。明。看。帝。闕。漸。有。彩。雲。籠。

箋題出王初詩。韓詩長安雨洗新秋出。歐陽秋聲賦。釋天高曰晶陸游詩爲我傾玉漉漉音介露也。吳秘風光草際浮題詩紅是日華流玉鏡水壺詩家借以比秋空。空水共澄鮮詩。遙山翠色同。桂詩遠水兼天淨。楊衡詩。一一鶴聲飛上天。李益詩。無限塞鴻飛不度。司空表聖二十四詩品。中澹其一也。又畫家有白描法。有水墨

法唐七律。雲裏帝城雙

鳳闕。雨中春樹萬人家。

疏一起點秋空。渾破全題。次韵承秋空清出。澹無迹之

義。故來三韵正寫澹字。確是無迹。四韵寫容字。烘托無

迹。五韵就山水摹寫無迹。六韵就鴻雀寫空

字。襯托無迹。七韵收足澹字。末用反襯作結。

評既云無迹。從何處着筆。然顯帶秋容兩字于上。則無

註字。只托出一。着字耳。詩以點染為烘。托曲盡秋空之

勢。而淡字自到。說來固仍是無迹。恰是秋容也。詩家

有賴上添毫法。如唐人空水共澄鮮。題用海鶴作點綴

偶一物。愈見是一望。空明此詩。嘆鶴

一聯。正得此秘。其餘亦無不善托淡字。

山空氣相合

劉綸

題秋山好寫秋氣難寫。至于山氣相合。
解尤難着筆。窮神盡象。自須體會入微。

葉落衆山空。山山秋色同。疎黃飄淅瀝。積翠入冥濛。峭崿千巖合。蒼茫一氣通。斷厓分鳥道。巨壑共松風。暮靄沉沉碧。斜陽澹澹紅。不知峯向背。直接嶺西東。樓閣烟綃裏。林巒水墨中。憑誰呼嬾瓚。老筆寫從龍。

箋林逋詩。山空氣相合。旦暮生秋陰。○疎黃謂落葉。僧**釋**清塞重陽詩。雲木疎黃秋滿川。淅瀝細下貌。喬知之定情篇。黃葉已淅瀝。積翠山色。李澄詩。雨歇南山積翠來。冥濛空濛貌。峭崿音酋。許山高貌。李商隱詩。霞分鳥道紅。劉臻詩。諸嶺共松風。周密詞。認隱烟綃重疊。王維畫訣云。水墨最爲上。倪瓚善畫。或稱爲嬾瓚。**疏**入手醒空字。明點秋字。尤有根。次前虛含到氣字。三**義**前醒合字。氣字。四韵空字。合字。俱透。五韵就題外寫。

爲本題作烘托。六韵渾寫山空。七韵作點染之筆。托出畫意。未乃結到善畫人。可作秋山圖收題老致。
評紀評題境極難摹寫。泛咏秋山無當也。寔從空字做註。出氣字從氣字做出。相合字泓。增蕭瑟。老筆森然。能摹難寫之景。方成好句。能作難寫之題。方稱好詩。若風花雪月一字題。不過四時俗景。又不足覘人才思。見人筆意矣。是選景物題中多錄此等之作。取其閒人思路。取備詩法。一切習見熟題。繫不多錄。

巨靈擘太華

劉統勳

題大華好賦。此題爲溯所由來。固重在上下三字。若解泛咏華山。則不見題義矣。作詩勿貪走易路。

太華

音化

誰能擘遺踪。想巨靈金天通戶牖。玉女啟牕櫺。導

水排雙闕。開山勝五丁。聳原虧日月。劈忽走雷霆。一朵披

蓮葉三峯豁翠屏。雲根驚坼裂石骨。透瓏玲練界中央。白螺分兩道青。至今仙掌畔。五指尚真形。

箋張衡西京賦薛註華山名也。巨靈河神也。巨大也。古釋語云。此本一山。當河水過之而曲行。河之神以手擘開其上。足蹋離其下。中分爲二。以通河流。手足之跡。于今尚在。通典先天二年。封華岳神爲金天王。華山上有玉女洗頭盆。曾靈光殿賦。玉女闕窓而下視。水經註。其山中斷。兩峯雙闕。蜀志。惠王知蜀王好色。許嫁五女。蜀遣五丁開山迎之。漢書音義。曰高山壅蔽。日月虧缺。半見。杜詩雷霆走精銳。蓮花峯詩。青危一朶機。崔顥詩。天外三峯削不成。廬山瀑布詩。今古長如白練飛。一條界破青山色。劉禹錫君山詩。白銀盤中一青螺。疏入手卽清題字。次韵切太華先透擘字之意。三韵寫義。巨靈之力。四韵寫巨靈之神。五韵寫太華初擘之形。

六韵寫太華。既學之勢。七韵寫太華。擘後之景。末仍就題作結。不肯說開。
評凡以故事命題。無論事之有無。述之奇異。祇就題還。
註題可也。勿貪走易路。方不負題。紀評句句切定。擘字又能切定太華。虛寔并到。蓋題中太華字。寔擘字。虛能解題字。有虛實用。筆便有輕重。

門對浙江潮

王際華

題門字何指不抱靈隱寺則對字無着落矣必
解不畧題字方見切當固不容泛作觀潮詩

梵宇錢塘岸觀潮對海門六鼇排巨浪一線射朝暎風雨
聲初合雷霆勢乍奔銀潢誰倒瀉石堰欲橫吞樓迥疑無
地山漂畧有痕龍宮驚顚洞鷺嶺恐飛翻萬古長江涌千

平古刹存登臨真勝絕軒豁見乾坤

箋宋之門遊靈隱寺詩額聯樓觀滄海日門對浙江潮
釋梵音恍梵宇寺也錢塘在浙江治武林舊事浙江之
潮天下之偉觀也自既望以至十八日為最盛方其退
出海門僅如銀線既而漸近則玉城雪嶺際天而來大
勢如雷霆云云列子海中五山巨鰲十五舉首戴之又
云有大人一釣而連六鰲朝璫謂日也楊時過錢塘江
詩銀漢翻空際天白石堰即塘岸以石為之李商隱詩
地寬樓已迴李羣玉詩山漂欲林鰲韓愈南海神廟碑
乾端坤倪
軒豁呈露
疏一起先清出門字對字則題有着落次韻清朝字以
義下四韻通是寫潮來之勢後四句說樓說山說龍宮
驚嶺更帶定題上兩字方不脫畧七韵又
束到門字對字更見清楚未仍就題結住

評題語雄潤。詩之激壯亦稱之。此等題若非此等筆寫之。則奄奄無氣力矣。寸幅中其有氣蒸波撼之勢。讀之增人筆力。益人體格。後半不脫靈隱對字。乃不落空。是其善扣題字。不畧題眼處。

花缺露春山

紀昀

題雖有山字。却用不着。疊嶂層巒。雖有花字。亦用解不着。驚采絕艷。善窺題間。全在作缺露之神。花外隱春山。山青花復殷。音有。時紅斷續。忽露碧屏顏。遙隔玲瓏影。斜窺髮鬢參差。疎密掩映。有無間似欲留餘地。憑教見一斑。試從空隙望。應愛遠峯閒。孤嶂看逾好。芳林坐未還。年光與物景。樂意正相關。

箋題句出岑參邨中春卧。寄王子詩。○屏顏高山猶相
釋如傳放散畔岸。驤以屏顏玲瓏玉聲。又併作瑣碎義
用。髮音嫫。髮留不剪者。髮音還。曲髮爲髻也。借以
比山。蘇咏大小孤山詩。我我兩煙鬟。晉書。管中窺豹。時
見一斑。說文。隙壁際孔也。陶詩。坐茂林。

以終日石曼卿詩。樂意相關禽對語。

疏一起清花字。山字。將花與山紐合。一片方便于鈎。取

義。缺字。露字。之神。是善窺題間處。以下全摹缺字露字

之神。更不呆賦。春山春花一句。是

善用。虛寫處。末就玩賞時景作結。

評說山而對花言。則山必不高。說山露祇因花缺。則山

註必不遠。干題字不肯等閒放過。則題解即得。詩有鍊

句必響。琢對甚工。而讀之毫無餘味者。祇坐在相題不

真下筆失分寸耳。參差一聯妙寫圓光筆筆中鋒餘

句亦跳脫紙上。起用古調疏題風骨不凡。試律中猶

屬僅見。白華吳太史謂前人論詩集中多古體者。詩必

工多近體者詩必下學詩者如十九首及陶韋雅正之音最宜熟玩兩謝小有雕飾氣味自佳且于今試體詩較近次則裴王倡和絕句雲霧春空味之亦必有得

春從何處來

錢陳羣

題口氣處應摹虛神詩法與文正同此題不解從何字上討消息從填寫春字無當題味

草意金鉤屈水痕水鏡開溫暾知氣暖倏忽已春回誰遺如期到端應有自來偶然相問訊轉覺屢疑猜烟暖鶯微覺風吹柳暗催尋踪空杳藹佇目但徘徊萬紫千紅徧三才一氣該雷從何處起程邵試詳推

箋吳均春日詩春從何處來渡水復驚梅。○草屈金鈞
釋綠未回石曼卿句白行簡此題詩消水水鏡開溫暾
懷暖也南人方言白樂天詩草色暖溫暾條忽陡然之
貌香謁烟樹迷濛貌徘徊傍徨不進貌萬紫千紅見朱
文公春日詩潘岳西征賦伐一氣而甄三才二程遺書
載邵堯夫問程子曰子知雷起處乎曰某知之老夫不
知也堯夫愕然曰何謂也曰既知之何用推數也以其
不知故待推而後知堯夫曰子以爲起于何處曰起于
起處堯夫瞿然稱善

疏一起先坐寔春字二聯清出春來以下四韵俱用虛
義筆摹何來之神直作不解之詞真乃善會語妙七韵
透寫春來大義未借邵程辯
難語作結借點何處字恰合

評善會語妙真作詰問之詞寫來明是春來確是不解
註從何處而來句句曲傳何字之神紀評唐試帖亦有

此題癡寫春光下四字消歸烏有矣此乃課虛明叙妙入希夷。唐人作以題爲問以詩作答自是有意以變格見奇非閑故拋題字若後人無論何題槩用填塞不論題位則未可藉口前人矣錄此以示試律中原有審題吻作虛字之法但論詩務求理路講法脉已細矣又與之求神理體口氣不幾乎淺說而反深乎

萬紫千紅總是春

博明

題萬紫千紅已說得濶大又綴摠是春三字明是解摠括語固無容句句分疏也大題須知摠徹法暖入三三徑寒消九九天春光無遠近花意總便娟麗紫晴烘日酣紅曉破烟柔枝都旖旎老樹亦新鮮隔水濃如畫尋源望若仙是誰工設色使爾巧爭妍衆竅風吹萬長

江月印千發生由一氣此理妙難傳

箋朱子春日詩等閑識得東風面萬紫千紅總是春○
釋楊萬里詩序東園新開九徑九種花木各植一徑命
曰三三徑云楊允孚襍詠詩試數窓間九九圖餘寒消
盡暖回初便娟好貌楚詞便娟之修竹兮旖旎音倚那
猶阿那也吹萬見莊子內篇夫吹萬不同而使其自然
已也咸其自取五燈會元千江同一月萬戶總逢春
疏一起直透春字綠題中有千萬字故三三九九亦用
義數目字打照承聯乃清出總是祇帶出花字前比聯
乃明醒紅紫以下三聯全用摠疏更不分說是正透總
字也東比聯乃借點千萬字末歸重到本題本義作結
評紀評是題若鋪排千紅萬紫便為買櫝還珠着意總
註是春三字乃使傳神寫照在阿堵中○題瑣碎則從
細處刻劃題面圖則從大處摹寫大題原不與小題同
法○此等題固以摠疏為得法而題又有應用分還者

如春秋多佳日。春秋應用分還其佳日。若非鋪叙如何。寫得出。故詩必須中間用數聯疏寫。一句一佳日。合之則是多佳日。也不作多字。而多字自見。不用鋪叙。更有何法。只善于審題。方巧于用筆。

遶屋樹扶疏

戈濤

題扶疏是孟夏莫。認作樹樹秋色。遶屋是五柳家。解莫說成。千章夏木。筆意蕭疎。尤須合處士風味。

晉代有高士耕桑。卧近郊里。居猶號栗。屋宇定編茅。嘉樹隨時植。清陰入夏交。枝低通鹿町。葉密隱烏巢。好雨微侵徑。輕雲半掛梢。簾窺新月下。門聽去聲故人敲。會合幽棲意。應平聲占肥遯交。倘令生聖世。可話樂音懸匏。

箋陶潛詩。孟夏草木長。遶屋樹扶疏。眾鳥欣有托。吾亦
釋愛吾廬。陶潛晉人。名勝志。栗里陶淵明故宅。町音
廷。平聲。又他頂切。從上聲。詩町。唾鹿塲。毛傳。鹿迹也。庾
信詩。鳥巢解背風。謝詩。資此永幽棲。易遯卦上九。肥遯
无不利。孔疏。肥。饒裕也。謂超然絕志。無所累也。懸匏見
王粲登樓賦。懼匏瓜之徒懸。公畏井渫之莫食。卽用論
語繫而不食意。又王勃上絳州上官

司馬書。辨羣籟于莊軒。懸匏自托。

疏。先從陶處士說起。是原題。法。是清題。出處。法。二四句
義。以里居陪出屋字。五六句點樹字。醒出時。景七八句
寫扶疏。九十句借雨雲襯寫。十一二句就屋上生情。映
合樹字。七韵收到在屋之人。末乃翻進一層。頌聖作結。
評。紀評。窮達戀明主。耕桑亦近郊。本錢起語。換一卧字。
註。便成高人。偃蹇意。象此點化之妙。通首蕭疎稱題。一
結尤幹轉有力。五字中有時有地有人。莫當作寬題。
做也。入手醒高士。則有人前點入夏。則有時。中說徑說。

詩法淺說

卷四

本朝景物

三

塾課定本

簾說門則有地至于風味蕭疎又恰是幽棲之致此謂
肖題試律最忌不肖題神味先差雖詩極琢鍊皆成滯
相安望其意
恆關飛動

夜雨滴空堦

陳聖時

題題無一字可畧逐字還他着落則句
解句切題矣莫認作寬題做方不負題

涼雨零深夜蕭條館舍空拂簷珠錯落繞砌玉丁東秋老
猿聲裏寒生蝶夢中濕雲三徑黑老屋一燈紅切切聽逾
急瀟瀟響未終伴人惟絡緯隔牖是梧桐側耳迷清漏披
衣待曉風明朝會開霽天淨日曛墉

箋何遜詩。夜雨滴空堦。曉燈暗離室。○丁東玉聲猶丁
釋當也。同珠錯落。皆借喻雨聲。吳融雨夜聞猿詩。雨滴
秦山夜。猿聞峽外聲。莊子夢化為蝶。李頎詩。濕雲帶殘
暑。趙忬詩。風高老屋斜。切切瀟瀟皆雨聲。漢樂府絡緯
響空堦。溫庭筠更漏子詞。梧桐樹。三更雨。不道離情正
苦。一葉葉一聲聲。空堦滴到明。喻鳧詩。清將玉漏悄。
疏一起首句點夜雨。二句點空堦三四句點滴字。仍緊
義抱堦字。五六句寫雨。仍不脫夜。七八寫夜。仍不脫堦
九十句寫滴字。十一二句寫空句。十三四句用襯貼放
寬說。未從夜字推出朝字。從雨字推出霽字。翻轉結題
評紀評野徑雲俱黑。江舡火獨明。工部咏春雨詩也。七
註八句從此脫胎而寫來。確是秋雨。確是空堦。所謂運
用之妙。存乎一心。又伴人句。結足空堦。隔牖句。結足滴
字。收裏完密。措語亦微妙可思。題太蕭索。作試帖難于
收束。後四句翻轉結之。最爲得法。○題字有可不必拈
者。法當句句撇去。字有不容畧者。法當句句找。情其撇

去者正爲題神在虛字。一粘。寔則落滯相也。若題字字見意。自應字字還清。此題是也。又如柳橋晴有絮。題賦柳絮。應找清橋字。晴字。方不畧。江涵秋影雁初飛。題賦秋雁。應找清江字。影字。初字。方不畧。錄一詩以備法。

停琴佇涼月

李翊

題題眼在停佇兩虛字。正惟佇月。所以停琴。呆寫解。琴月無當。題神。題眼多在虛字。好詩豈在實詮。

乘涼橫綠綺。待月上青林。別有飄然思。去聲誰知靜者心。一鉤光欲吐。三疊響微沉。寂寂朱絃歇。遲遲素魄臨。樓臺依水近。松石寄情深。露濕中庭白。秋澄萬木陰。所懷真淡泊。此夕最蕭森。若問絲桐意。飛鴻自遠音。

箋謝朓移病還園示親友詩停琴佇涼月滅燭聽歸鴻

釋○緣綺琴名白居易詩高高白月上青林杜甫憶李

白詩白也詩無敵飄然思不羣杜寄張山人詩靜者心

多妙一鈎謂月三疊謂琴蘇麟詩近水樓台先得月宋

書蕭思話傳從太祖登鍾山中道有盤石清泉上使于

石上彈琴因賜以銀鍾酒曰相賞有松石間意王建中

秋詩中庭地白樹棲鴉常建江上琴興詩泠泠七絃過

萬木澄幽陰嵇康贈人入軍詩目送飛鴻手揮五絃

疏一起琴月平出次韵承清佇字之意三韵四韵琴月

義分貼祇還停字佇字正面五韵六韵暗籠純摹停字

佇字虛神七韵疏寫題義末運化嵇叔夜

語述到本詩下句作收既自然亦洒脫

評紀評題有琴字然云停是無琴也題有月字然云佇

註是無月也詩于琴月字槩不刻畫惟以停字佇字寫

蕭然自遠之神最爲得解○一鈎四句分還題面猶人

所能樓台兩聯句句藏有月字琴字在寫來拙是停佇

詩法淺說

卷四

本車景物

五

塾課定本

之神則人人閣筆矣。○題句無論五字七字各有要字。所謂題眼也。得題後。逐字推敲。批駁導會。務中理解。命意自不患不高。用筆自不患不細。錄此詩以示聽題有法。

八月荇葦

曹錫寶

題荇葦堪為曲薄之用。此句是為下句垂事而解。設須得先時預備。意勿認作蒹葭蒼蒼題。

蠶事幽民裕。先時葦與荇霜風連。浦靜秋水老。叢寒既重。

舟。鮫守寧同錯。楚看簷簷宜。碧範璘藉。莫金搏影外。春三。

月。篝前火一欄。荻飛疑上箔。蘆秀想成團。舉趾心同切。于。

茅計早完。躬桑欽帝苑。佇看。去聲。獻冰紈。

詩郊風七月篇。八月桂華。蠶月條桑。桂華音完。傳卽
羅兼葭也。言七月暑退。當預擬來歲治蠶之用。故于八
月桂華旣成之際。而收蓄之。將以爲曲薄之用。殆爲來
歲條桑計也。○左傳澤之萑蒲。舟蛟守之。詩翹翹錯薪。
言刈其楚。錯雜也。楚荆屬。秦觀蠶書。織萑葦篋以簪簪。
竹爲篋。黃金作璫。音憐。廣雅文也。又璫藉。蠶篋也。見龍
輔女紅志。擗音團。籌音溝。熏籠也。茨音毛。說文萑初生
曰茨。葦初生曰蘆。蘆音薄。唐詩春蠶上箔時。高僧傳惟
攜一蘆團子。舉趾

于茅并見郊風。

疏一起卽從蠶事入手。醒先時預備意。得主腦承聯卽
義時景寫清。出入月三韵襯出萑葦。四韵正寫織萑葦
爲薄。五韵點染時景。上句特透蠶月是主。寫茨寫法。六
韵又從蠶月着筆。作想像語。摹題虛神。七韵引本題他
事作陪。末乃結到
蠶事。恰落到題后。

評凡題句有應爲補入者須于入手處點醒方有根原
註不獨出處宜清出也如新月誤驚魚不醒鉤字則驚
字無根追琢其章題不抱上文金玉句則
追琢無着落過題有上下文者當識此意

洞庭獻新橘

李尚美

題是橘是洞庭新橘然明拈出獻字則
解題有眼目莫祇作賦物體方爲有識

萬頃吳雲。垂垂橘柚鄉。日收園戶潤。風送貢船香。綠簪
封題密。金丸歷落藏。圓勻千顆露。濕帶滿林霜。照殿包山
赤。堆盤笠澤黃。踰淮非枳化。薦廟應三。等櫻芳作頌。名推
楚爲珍。地自揚蓬萊。親攀後分及小臣嘗。

箋山海經洞庭之山其木多橘山在吳郡故曰吳雲羅
釋音奄覆也。籊音弱嫩皮也。歐陽修歸田錄金橘如金
九又詩香籊包裹封題斜韋應物詩封後欲題三百額
洞庭尤待滿林霜包山在震澤中山有林屋揚州記太
湖一名笠澤又名洞庭晏子春秋橘踰淮而化爲枳月
令仲夏羞以含桃先薦寢廟楚詞有橘頌篇書禹貢揚
州厥包橘柚蓬萊殿名唐太宗
于蓬萊殿九月九日賜羣臣橘
疏先破洞庭新橘次聯承明獻字三聯就獻字前一層
義賦橘四聯申寫新字五聯是疏獻字仍帶洞庭六聯
運事爲新橘作觀七聯束題
末韵就獻字高一層作結
評寫橘句句帶定新字寫獻句句帶定洞庭總不肯拋
註荒題眼乃見手法至其點竄成詩運化故實亦無一
不帶鮮之色是試律中極合時之作賦艷物題若不
典核便不雅切而運用處若必字字求新句句帶秀則

在各人筆意不俗。○詩林碎玉一書。經選錄而成。各類
 悉備。增坊本所未增。其句兩字至四字六字。取材既富
 裁對必工。涉粗豪者必汰。落俗俚者從刪。
 標示平仄。兼調聲律。即出問世。不敢自私。

鴻雁來賓

馮秉忠

題來有後先遂成賓主此題義也篇中若不
 解從賓字生情則易涉泛用字須知關合法

同是隨陽志秋深到楚臺行原兄弟續勢似主賓陪塞盡
 寒應急峯高望未回鄉聲千里接旅夢幾羣來弦為參差
 避書因次第催相逢蘭芷宅先有水雲媒漸陸知偕振啣
 蘆豈見猜何如梁燕客歸路羽毳毳

箋題出月令季秋之月鴻雁來賓註雁以仲秋先至者

釋爲主季秋後至者爲賓○書傳雁隨陽之鳥禮記兄

之告雁行一統志回雁峯在衡州雁至此不過遇春而

同雁足係帛見上林中見漢書陸龜蒙白鷺詩倩君先

作水雲媒易漸卦鴻漸千陸淮南雁啣蘆以避

弋繳杜詩秋燕已如客瑤瑟音培腮張羽貌

疏一起帶入仲秋雁來側落出題本位愈醒次韵承出

義賓字借兄弟陪主賓工隱三韵寫後至之故四韵正

寫賓字五韵仍就後來洗發六韵寫足賓字七

韵清餘意末韻借燕作襯又恰收到賓字意

評槩作鴻雁來詩那得不泛括住賓字則探驪得珠矣

註○借賓形主是文章用陪法此詩正好用以主定賓

之法詩中帶定仲秋雁來作伴說是他善于清題位處

至其用鄉聲旅夢蘭宅水媒爲賓字作襯貼摠一開合

法也○本朝試律善做題字無不求窮神盡致而止如

高樹早涼歸題必不肯泛咏秋風處處着眼歸字寫來

便。恰似故入。新燕認舊巢。必不肯泛啄新燕。認定舊巢寫來。便恰是故主。種種巧雋。固未嘗帶一毫滯相。

蟄蟲坯戶

金啟南

題是坯戶不是瑾戶。自應切本。月時令說。但題句解。小巧正難措手。看此作巧構形似。可悟小題法。

野處寒猶淺。深藏序漸催。已知形欲俯。故解戶先坯。暑雨

多湮沒。秋陰半圯隤。凝香分砌草。補綠就垣苔。寶小疑初

鑿。封高續舊培。數重和露葺。一隙向陽開。亦覺微風入。時

窺淡月來。良圖衛身早。不患雪霜摧。

箋禮月令仲秋之月蟄蟲坯戶。註坯蓋也。疏戶謂穴也。**釋**以土增益穴之四畔。使通明處稍小。蓋為陰氣將至。

此以坯之稍小。以時氣尚濕。猶須出。入故十月寒甚。乃閉之也。形欲俯。亦見禮月令。季秋之月。蟄蟲咸俯。在內。皆墜其戶。疏。俯垂頭也。墜塗也。前月但藏而坯。戶至此月既寒。故垂頭向下。以隨陽氣。此又塗塞其戶。以避上陰殺之氣也。湮沒圯隤。皆敗懷之義。竇孔也。竅明也。衛身藏身也。

疏自二句虛引本題。三句先借蟄蟲咸俯一陪。使本位義情清楚。五六句叙戶之所以須坯。以不三聯細寫坯戶。亦覺二句說已坯後光景。未以寓意作結。亦能小中見大。紀評此種題無景可誇。無頌可獻。最難收束。必如此方結得住。大題着不得一纖巧句。小題又用不着。一寬濶語作色。揣稱幾欲求肖聲調機法。搃貴如題。評不出蟄蟲是暗破法。暑雨秋陰透寫所以用坯之由。註是設身處地法。凝香補綠借物觀託是點染法。實小封高和露向陽是形容法。風入月來是寫景法。作小題心思不滯。手筆放活。固不患題句之不肖也。錄此脩賦

物小題
之法

春蠶作繭

沈德潛

題此賦作繭。非泛咏春蚕。是繭之始作。非泛咏
解成繭。着眼作字。依小題緊扣法。方見新穎。

蠶月條桑後。蠶家閉戶嚴。纏綿絲漸吐。宛轉縷俱銜。巧性
善于形。容。形能肖藏身。裏似絨圓時。疑比甕掛處。想棲巖理緒。覘多
紫。策。蘊文心。悟不凡。已看筐滿滿。旋摘手。摻摻繭。輒憑繅。藉荆
揚足貢。函冰弦。成五色。清廟奏韶咸。

箋題未省所出。按唐王建有詩。詩邵風。蚕月條桑。趙
釋師秀詩。蚕月人家閉。蠶媛記。蚕最巧。作繭往往遇物。

成形。歐詩有似蚕作繭。縮身思自藏。述異記。園客種五色香草。啖華蚕。得繭一百二十八枚。大如甕。古巢居穴處。日巖棲。白詩。酒盞酌來須滿滿。慘慘猶織織也。詩。慘慘女手。繅所以藉圭。詳聘禮書。揚州厥篚織貝。拾遺記。員嶠山有水。蚕作繭。長一尺。其色五彩。清廟見詩。周頌。鬯。舜樂名。成池。黃帝樂名。疏。先破春蚕。連用蚕字。冠句首。是古法。不碍重字。下乃義承清作繭。以下三聯。分三層寫作字。出淺入深。極有次第。理緒聯。是空中比擬法。六韵乃就作繭以後寫。七韵又推進一層說。末以繅繭成絲。可作琴弦。高一層結評。得小題緊扣法。中間體物求肖。曲盡形容之妙。紀評註。理緒二句。妙于忽入別情。而語脉不覺其橫亘。按朱文公像贊云。理義密微。繭絲牛毛。文心雕龍云。章句在篇。如繭之抽緒。原始要終。體必鱗次。是蓋從繭字上。生情不同。撫及題外也。然即小即大。等諸禮後之悟真。乃文心不凡。韻咸字去題頗遠。妙借絲成作弦。閑合到

景物

樂上遂覺天然奏拍卽此可悟引韻就題之法

本

應試詩法淺說卷四終